





津田文庫  
文庫 1  
1759  
1







隸釋序

丁巳文庫



秦燔書廢古訓而官獄多事乃令下杜人程邈作小篆而邈復獻隸書所以施之徒隸趨簡易也亦曰佐書漢魏之際蔡邕鍾繇梁鵠邯鄲淳俱有書名後魏酈道元注水經漢碑之竝川者始見其書蓋數十百餘陵遷谷變火赫風剝至宣政和間已亡其什八本朝歐陽公趙明誠好藏金石刻漢隸之著錄者歐陽氏七十五卷趙氏多歐陽九十三卷而闕其六自中原厄於兵南北壤斷遺刻耗矣予三十年訪求尚闕

1759

010190605065

趙錄四之一而近歲新出者亦三十餘趙蓋未見也  
既法其字為之韻復辨其字為之釋使學隸者藉書  
以讀碑則應應在目而咀味菁華亦翰墨之一助唯  
老子張公神費鳳三數碑有撰人名氏若華山亭為  
衛覲之文見于它說者財一二爾其文或險而難解  
澀而太鑿者譬之紀甌部鼎皆三代勵存之器其剝  
缺不成章與魏初之文數篇附于後如斷圭殘璧亦  
可寶自劉熹賈逵已下字畫不足取者皆不著乾道  
三年正月八日鄱陽洪适景伯序

隸釋目錄

卷第一

濟陰太守孟郁脩堯廟碑

威宗永康元年水經有  
歐作堯祠祈雨趙有

帝堯碑

靈帝熹平四年  
水經有歐趙有

成陽靈臺碑

建寧五年水經有  
歐作堯母趙有

靈臺碑陰

趙有

益州太守高暎脩周公禮殿記

獻帝初平五年歐  
作文翁石柱趙有

孔廟置守廟百石孔龢碑

威宗永興元年水經有  
歐作吳雄修孔廟趙有

魯相韓勅造孔廟禮器碑

永壽二年  
水經有歐趙有

韓勅碑陰 趙有

韓勅脩孔廟後碑 永壽三年水經有趙有

魯相史晨祠孔廟奏銘 靈帝建寧二年水經有歐趙有

史晨饗孔廟後碑 水經有趙有

卷第二

西嶽華山廟碑 威宗延熹八年水經有歐趙有

西嶽華山亭碑 靈帝光和二年水經有歐趙有

弘農太守樊毅復華下民租碑 光和二年水經有歐趙有

樊毅脩華嶽廟碑 光和二年水經有歐趙有

東海廟碑 熹平元年趙有

桐柏淮源廟碑 威宗延熹六年水經有歐趙有

穀阮君神祠碑 靈帝光和四年水經作五部神歐趙有

穀阮碑陰 趙有

卷第三

老子銘 威宗延熹八年水經有歐趙有

楚相孫叔敖碑 延熹三年水經有歐趙有

孫叔敖碑陰 趙有

仙人唐公房碑 水經有歐作公昉趙有

唐公房碑陰

趙有

張公神碑

和平元年 歐趙有

三公山碑

靈帝光和四年 歐作北嶽趙有

無極山碑

光和四年 歐趙有

白石神君碑

光和六年 趙有

卷第四

蜀郡太守何君閣道碑

光武中元二年

青衣尉趙君羊竇道碑

安帝永初六年

司隸校尉楊君石門公頌

威宗建和二年 歐趙有

廣漢長王君石路碑

建和二年

武都太守李翕西狹公頌

靈帝建寧四年 趙有

李翕毘池五瑞碑

趙作李翕碑陰

李翕析里橋邨閣公頌

建寧五年 歐趙有

桂陽太守周憬功勳銘

熹平三年 水經有 歐趙有

周憬碑陰

歐趙有

卷第五

豪長蔡湛頌

靈帝光和四年 歐趙有

溧陽長潘乾校官碑

光和四年

梁相孔眈神祠碑光有五年

成陽令唐扶頌光有六年

巴郡太守張納功德叙中平五年

張納碑陰趙有

酸棗令劉熊碑水經有。歐作俞鄉侯季子。趙有。

劉熊碑陰趙有

卷第六

謁者景君墓表安帝元初元年

景君碑陰趙有

郟令景君闕銘元初四年。歐作景君石椁銘。趙有。

國三老袁良碑水經作袁梁。歐。趙有。

北海相景君碑順帝漢安二年。歐。趙有。

敦煌長史武斑碑威宗建和元年。歐。趙有。

從事武梁碑元嘉元年。趙有。

平都侯相蔣君碑永興元年。趙有。

孔謙碣永興二年。歐。趙作孔德讓。

郎中鄭固碑延熹元年。歐。趙有。

議郎元賓碑延熹二年。趙有。

中常侍樊安碑

延熹三年水經有歐趙有

卷第七

冀州刺史王純碑

威宗延熹四年水經作王紛趙有

山陽太守祝睦碑

延熹十年歐趙有

泰山都尉孔宙碑

延熹七年歐趙有

孔宙碑陰

歐趙有

祝睦後碑

延熹九年歐趙有

荊州刺史度尚碑

永康元年水經有趙有

車騎將軍馮緄碑

永康元年趙有

沛相楊統碑

靈帝建寧元年歐趙有

楊統碑陰

歐趙有

竹邑侯相張壽碑

建寧元年歐趙有

卷第八

衛尉衡方碑

靈帝建寧元年歐趙有

冀州從事張表碑

建寧元年歐趙有

金鄉長侯成碑

建寧二年歐趙有

孝廉柳敏碑

建寧二年趙有

淳于長夏承碑

建寧三年趙有



郎中馬江碑建寧三年趙有

慎令劉脩碑建寧四年歐趙有

博陵太守孔彪碑建寧四年趙有

孔彪碑陰趙有

卷第九

北軍中候郭仲奇碑靈帝建寧五年歐趙有

故民吳仲山碑熹平元年趙有

司隸校尉魯峻碑熹平二年水經作魯恭歐趙有

廣漢屬國候李翊碑熹平二年

玄儒先生婁壽碑熹平三年歐趙有

婁壽碑陰

繁陽令楊君碑熹平三年歐趙有

楊君碑陰歐趙有

堂邑令費鳳碑熹平六年趙有

費鳳別碑歐趙有

卷第十

太尉陳球碑靈帝光和二年水經有趙有

陳球碑陰趙有

陳球後碑

水經有 歐趙有

童子逢盛碑

光 和 四 年 趙 有

逢盛碑陰

趙 有

安平相孫根碑

光 和 四 年 趙 有

孫根碑陰

趙 有

涼州刺史魏元丕碑

光 和 四 年 趙 有

司隸從事郭究碑

中 平 元 年 歐 趙 有

幽州刺史朱龜碑

中 平 二 年 水 經 有 歐 趙 有

外黃令高彪碑

中 平 二 年

卷第十一

太尉劉寬碑

靈 帝 中 平 二 年 歐 趙 有

劉寬後碑

歐 趙 有

小黃門譙敏碑

中 平 四 年 歐 趙 有

圍令趙君碑

獻 帝 初 平 元 年 趙 有

巴郡太守樊敏碑

建 安 十 年 趙 有

益州太守高頤碑

建 安 十 四 年

綏民校尉熊君碑

建 安 二 十 一 年 歐 趙 有

梁相費汎碑

歐 趙 有

高陽令楊著碑 歐趙有

楊著碑陰 歐趙有

光祿勳劉曜碑 歐趙有

卷第十二

太尉楊震碑 歐趙有

楊震碑陰 歐趙有

荊州從事苑鎮碑 趙有

執金吾丞武榮碑 歐趙有

督郵斑碑 趙有

浚儀令衡立碑 歐作元節趙有

戚伯著碑 歐作周伯著趙有

趙相雍勸闕碑 趙有

先生郭輔碑 水經有歐趙有

相府小史夏堪碑 趙有

李翊夫人碑

卷第十三

雒陽令王稚子闕二 和帝元興元年

交阯都尉沈君神道二

益州太守高頤闕二

獻帝建安十四年

幽州刺史馮煥神道

安帝永寧二年

馮煥殘碑

馮煥碑陰

鉅鹿太守金君闕

益州太守楊宗墓道

趙有

清河相張君墓道

不其令董恢闕

趙有

絲竹令王君神道

靈帝建寧元年  
趙作廣漢令

江原長進德碣

威宗延熹三年

上庸長司馬孟臺神道

高直闕

處士金恭闕

金恭碑

韋氏神道

張賓公妻穿中二柱文

章帝建初二年

卷第十四

石經尚書殘碑

靈帝熹平四年  
水經有趙有

石經魯詩殘碑 水經有趙有

石經儀禮殘碑 水經有趙有

石經公羊殘碑 水經有趙有

石經論語殘碑 水經有趙有

學師宋恩等題名

卷第十五

賜豫州刺史馮煥詔 安帝元初六年

費亭侯曹騰碑陰 威宗延熹三年  
水經有歐趙有

廣漢屬國辛通達李仲曾造橋碑 延熹七年

廣漢太守沈子琚縣竹江堰碑 靈帝熹平五年

鄭子真舍宅殘碑 熹平四年

金廣延母徐氏紀產碑 光和元年

都鄉正衛彈碑 中平二年  
水經作衛為趙作街彈

舜子巷義井碑 光和三平

義井碑陰

卷第十六

武梁祠堂畫像 趙作武氏石室畫像

四老神坐神祚机 趙有

麒麟鳳凰碑

靈帝建寧元年

劉讓閣道題字

詔賜功臣家五字

中部碑

卷第十七

趙相劉衡碑

靈帝中平四年

富春丞張君碑

趙有

郎中郭君碑

廣漢屬國都尉丁魴碑

威宗元嘉元年

南陽太守秦頡碑

靈帝中平三年

魯相謁孔廟殘碑

趙有

平原東郡門生蘇衡等題名

歐有

益州太守無名碑

威宗永壽元年

益州太守碑陰

吉成侯州輔碑

永壽二年  
水經作侯苞趙有

州輔碑陰

趙有

卷第十八

司空宗俱碑

靈帝熹平二年  
趙有

太丘長陳寔壇碑 趙有

縣三老楊信碑 威宗和平元年

益州太守城垣碑

是邦雄桀碑

仲秋下旬碑

故吏應酬殘題名

卷第十九

魏大饗碑 延康元年 水經有 歐趙有

魏公卿上尊號奏 延康元年 水經有 歐趙有

魏受禪表 黃初元年 水經有 歐趙有

魏脩孔子廟碑 黃初元年 水經有 歐趙有

魏橫海將軍呂君碑 黃初二年 趙有

范式碑 青龍三年 歐趙有

張平子碑 附 趙有

卷第二十

水經注

卷第二十一

歐陽氏集古錄上

卷第二十二

集古錄下

卷第二十三

歐陽棐集古錄目

卷第二十四

趙明誠金石錄上

卷第二十五

金石錄中

卷第二十六

金石錄下

卷第二十七

天下碑錄

隸釋目錄

隸釋成書十年矣再因考古始知楊司隸名渙  
 不名厥張元益是偉伯之孫王曜非劉寬故吏  
 膠東廟門是兩碑石勛詩非費鳳碑陰校官碑  
 以菰竹為孤竹之類增改千有餘字除去者數  
 板淳熙丙申息秘宦山陰遂正之盟洲老人書



隸釋卷第一

孟郁脩堯廟碑

帝堯碑

成陽靈臺碑 并陰

高睽脩周公禮殿記

孔廟置守廟百石碑

韓勅造孔廟禮器碑 并陰

韓勅脩孔廟後碑

史晨祠孔廟奏銘

史晨饗孔廟後碑

濟陰太守孟郁脩堯廟碑

漢永康元年 缺月

字缺二

惟昔帝堯聖德慶苞弘踰赫

赫蕩蕩垂基赤精之胄為漢始別陵氣炎燼上交倉

玄魏魏之盛乾川見徵敬循宗璧長吏奉祠三牲粢  
饌獻珍于時俵著燁銘宣颺厥休乃招禎祥萬缺是  
來鴻名遂顯傳于千秋

濟陰太守河南區師孟府君諱郁字敬達治尚書經  
博覽衆文天姿瑋瘦體性溫仁闢極道之要妙游觀  
六藝之原擲旋機之政務在濟民歷典六部威教若  
神遺訓垂歌淵懿允純功績煥炳恩如浩倉咨招巖  
內股肱賢良廣祈多福雯雯夙興聞帝堯陵在成陽  
遣戶曹掾史具中宰祠常以甲子日與西宮樂生俱

詣大聖陳上古之禮舞先王之樂鞀磬祝罔五音

四關

字之儀莫不盡備軟列技藝以榮大聖延熹十年仲

春二月陽氣浸陰始雩關來享祀羣神仰瞻雲漢孟

府君奉宣詔書行縣到成陽將辭帝堯行禮未周則

景雲四集翔風膏雨即時大降嘉澍優沾利茂萬物

陰陽和協百姓賴福是時關二欣然關悅諸產繫殖

倉庾充塞孟府君深惟響應效之經典知聖堯精靈

與天通神循治關鑿地致墻堦石闌二坐關昭配帝

圖象規柜五關二畫上下相承無所遺共陟五旌密

有斑道之巧使府內百石關城吳諱升字三君守衛

園陵興置屋開詔書大祠升與縣令丞恭奉肅敬齊

絜炊熾莫不雅雅列種栢樹吏卒養護南通靈臺東

注城域委曲自巾埠然關望圖紀萬世功驗永著時

令河南河南呂君諱亮字元山宰政宣化慈惠博覆

為藥元來福奉事大聖司司不解垂拱無為如始其

允君也丞河內州王諱萇字伯盛左尉潁川潁陽關

諱愨字世高皆關綜睢甄通洞運疫詢于上下僉然

同謀回孟府君飭沿大壑自率掾史關二馬駕便坐

南北關望表內相副赫如屋楮蘭然成龍孟府君必

受大聖嘉福公侯傳子孫濟陰吏士歌術功稱萬世

常存成陽丞民蒙其榮賜關訓發聲曰君諸辟干祿

亏天令裕衍寧永汜无窮

惟序仲氏祖統所出本繼於姬周之遺苗天生仲山

甫翼佐中興宣平功遂受封於齊周道衰微共爵亡

邦後嗣乖散各相土譯居帝堯前地生長塋陵在於

成陽聖化常存慕魏魏之盛樂風俗之美遠安靈基

業屬都鄉高相里因氏仲焉以傳焉今子孫承緒履

仁好義耽樂道術教授經業雅徒帶眾滋滋汲汲誨  
 人不倦海內稱之曰瀉術之宗天監孔明祚善應關  
 印緋相承錚艾不絕稟性乾元世世廉約故能高如  
 不危滿如不溢孟府君繕飭墻立百石舍仲氏宗  
 家共住大壑前石礪階陞欄楯貧富相扶會計欣懽  
 不謀同辭錢應時即具招互募石燿然俱至各進琦  
 巧不日成之詔書九月三往大祠諸所造位煥然成  
 龍仲氏宗家並受福賜復刊碑勒諒昭示來世俵著  
 孟府君美勛於陽昧紀祖禪所出關四官位宦學皆

不可測子子孫孫必蒙大聖休烈之福以勸後進昌  
 熾無極

右濟陰太守孟郁脩堯廟碑漢威宗永康元年立  
 記是歲春陽為沴孟府君行縣謁廟即獲膏雨以  
 聖堯靈與天通遂繕治大殿成陽令呂亮丞王長  
 率掾史佐之仲氏宗家共作殿前石礪階陞欄楯  
 九月之間詔書三祠作文者既褒揚守令丞尉治  
 効繼叙仲氏得姓業儒之美也杜欽傳云仲山父  
 異姓之臣無親於宣就封于齊鄧展晉灼云山甫

銜命往治齊城韓詩誤以為封而欽引之顏師古云韓詩既有明文未得專非杜氏此碑云山甫受封於齊周衰失爵後嗣遂居成陽蓋同韓杜之說碑云地致璠瑚石闌二坐圖象規矩工巧精密以為神物之靈商君傳持矛而操闌戟闌音翕字書榆與榻同此蓋借闌為榆借璠瑚為璠瑚言其石之似玉也此碑假借字如旋機為璇機祝罔為祝啟之類甚多

儀為表浩倉為昊蒼桓為矩旌為精自為周蔡為黎蘭為爛歌術為歌述壁為辟滋滋為孽孽屋楮為渥楮瀉為儒紉為紉燿即輝字欄楯即欄楯字襴即襴字又广之類多

广从其中乾川與穎川字相類雖家語有乾川猶天淵也然隸書未嘗有坤字此乃乾坤爾其曰無為如治高如不危者用春秋星隕如雨之法它皆類此

帝堯碑

帝堯者蓋管世之聖王也其先出自塊隗翼火之精有神龍首出于常羊關九生赤關十也名紀見乎河雒爰嗣八九慶都與赤龍交而生伊堯及堯之生也不關凡等函關七龍顏關角眉關八采關謏自侯伯遊

於玄河之上龍龜負銜投鈴授與然後堯乃受命蜀

鹿闕十六字 肅圖書察度表御九州統屬理聞名應邇五

緯順畧然後風化大洽普天闕三不闕十功成告讓

遂禪舜黃聖漢龍興續堯之緒祠以上犧暨于亡新

祀漢之業禮祠闕五祀闕是故廷尉卿闕二以為大

聖親岳隆烈遺歌在民而壇場夷替屏懼無位非所

以表神聖闕五民者闕四焉闕三復舊典造立靈廟

以一大宰春秋秩祠是以好道之疇自遠方集或弦

琴闕三一或譚闕二歷丹田闕三痾者竭恭祈福即

獲祐若不虔恪輒赴瘡故知至德之宅北實真聖之

祖也熹平四年冬十二月濟陰太守河南張寵丞穎

川李政成陽令陳國鄭真故鉅鹿太守仲訢故廣宗

長仲選故呂長仲球闕丞闕十一字百石已氏讓禮等咸

各有惟追慕聖烈乃共立壇墀刊碑紀石已章聖德

闕後闕二有闕下

於赫大聖奕孔禎純性發蘭石生自馥芬琦表射出雙

握嘉文排啓闔闔馳步闕十二字順叙五品用訓民不佞忒

化洽百蠻歷運遭七乃禪舜焉功綿日月名勒管弦立

靈廟子關休神關九釐子湘黔民億不殍子社無沂

故濟陰太守劉邵字季承漁陽泉州人也自以體別

枝彘堯之裔胄下車出奉關萬為祠醊弱關七至於

拜旦特復五百稱玄孫以叙嘉敬舊祠屬縣君以

為奉事神聖禮定當關宜崇祀濯以汁關二勅縣關

二設供曹掾史令養牲犧即堯陵廟神亨靈洞款已

嘉瑞李樹連理生於堯關圖關府殿夙早關拜關

中大夫後太守河南張寵鑿擬前緒到官始初出錢

二千敬致禮祠臨立壇碑特復關四羣關二為關始

將獲禎應齊風前人鸞皇關十解將悉臻兵密勿匪

休將悉至矣熹平四年十二月十日癸卯立時將位

吏胡能守堯掾仇伯爰關十掾成關四余

右帝堯碑篆額靈帝熹平四年立帝王世紀曰炎

帝一曰魁隗氏此云塊隗者猶包犧之為伏羲也

春秋緯曰慶都出觀三河有赤龍負圖下有人衣

赤面八采兗上豐下足履翼星奄然風雨龍與慶

都合而有娠既乳視堯如圖表茲所謂翼火之精

也炎帝傳八世故曰爰嗣八九堯在位七十載故  
 曰歷運遭七蔡邕集有王子喬碑凡六十字與此  
 同其間云或弦琴以歌太一或譚思以應丹田其  
 有疾病疴瘵者靜躬祈福即獲其祚正此碑之闕  
 文也漢刻載脩廟及表墓人所費有出錢百者張  
 寵到郡以二千祠堯此遂夸而書之可見漢代錢  
 重如此今物價翔踊錢日益少非有術以權之使  
 子母重輕略能做古則不足之患未易抹也碑以菜為

采懼為攝亦為亦汁為叶闕為  
 閭沂為根各即布字繼即繼字

成陽靈臺碑

惟帝堯母昔者慶都北舍穹精氏姓曰伊體蘭石之  
 操履規矩之度則乾川之象通三光之曜游觀河濱  
 感赤龍交始生堯厥後堯來祖統慶都告以河龍堯  
 歷三河有龍授圖躬行聖政以育苗萌火陽之盛先  
 閭後明遂以侯伯迹踐帝宮慶都僊歿蓋聖方茲欲  
 人莫知名曰靈臺上立黃屋堯所奉祠下營以水神  
 龍所烹靈龜隱刑汾踊波深比目龍魚濯鱗通泉玄  
 礪菟靈生造臺涯貫長歷久崇如闕二三代改易堯



廢不循五運精遷漢受濡期興威繼絕如堯為之承  
 祠基率鮪魚復生故有壺臺畜夫魚師衛仕驛憲鮪  
 魚服之逆壽闕二之際道小衰沮遂遭亡新禮祠絕  
 矣於是故廷尉仲定深惟大漢隆盛德彼四表大平  
 未至壺瑞未下四夷數侵軍甲數擾匪皇啓居日禩  
 不夏案經孝典河洛祕奠漢感赤龍堯之苗胄當循  
 堯祠追遠復舊復治黃屋推原聖意灾生變見天  
 以譴告前後奏上陳叙大義招祥塞咎為漢來祐朝  
 廷克省帝納其謀歲以春秋奉大宰祠時廷尉洗位

連自表奏詔英嘉命遂見闕二為大中大夫歸治

黃壘令月吉日區立規瑩興業會工廠處夷平上合

天意下應闕五飭五色華精上闕通天戶嚮少陽前

設大壘俟神之堂地致石墀其下清涼可舞几闕以

闕大章時濟陰太守魏郡審晃成陽令博陵管遵各

遣大掾輔助仲君經之營之不日成之神靈精氣依

怙於人廢之則亡存之則神復帥羣宗貧富相均共

慕市碑着立功訓闕勒石銘中門之表卜擇元日齊

革精誠先慶毛血謹慎犧牲祈祠獲福神享其靈甘

雨時降百穀孰成幽荒率服涂方來庭萬國蒙祉稔  
元賴榮莫不被德咸歌頌聲其辭曰

於赫慶都德彊大兮承精神耀統去去兮爰生聖堯  
名蓋世兮上受符命迺帝制兮廣彼之恩深荒外兮

歷紀盈兮千垂遺愛兮陵廟復崇享大祭兮上求多

怙降福沛兮萬國禧寧孰不賴兮光宣美勛永闕帝  
兮垂視罔極億萬歲兮

濟陰太守魏郡陰安雷君諱晃字元讓從公車令來  
成陽令博陵蠡吾管君諱遵字君臺從東明門司馬

來丞潁川新汲尹茂字伯舉遷下邳尉尉潁川襄城  
楊調字君舉仲訢伯海從右中郎將遷鉅鹿太守仲

球伯儀從大尉掾遷呂長仲選孟高辟司徒府遷從  
不絕皆興治大聖黃屋之力

建寧五年五月造

右成陽靈臺碑篆額靈帝建寧五年立與堯廟二

碑在成陽皆有陰堯葬慶都于成陽名曰靈臺上  
立黃屋為奉祠之所漢綴其祀至七新而繼於是

廷尉仲定奏請興治郡守審晃縣令管遵各遣大

掾助成之案兩漢地志濟陰成陽有堯冢靈臺不  
 明言靈臺為堯母冢也章帝紀元和二年使使者  
 祠唐堯於成陽靈臺注引郭緣生述征記曰成陽  
 有堯陵陵南一里有堯母慶都陵稱曰靈臺据此  
 則與碑合靈臺非堯冢明矣淮南子墜形訓載海  
 外三十六國西北方有無繼民碓魚在其南注云  
 碓魚如鯉魚有神靈者乘行九野碓讀如蚌字書  
 蚌或作鮮碓無鮓字也所謂鮓魚疑即此爾碑稱  
 漢代脩祠之後鮓魚復生故有靈臺畫夫魚師衛

仕驛憲鮓魚服之延壽疑仕當讀為士憲當讀為

獻也碑以不夏為不暇刑為形威為滅基為暮犁為黎德被廣被為彼迹即恢字送即延字慶

即薦字

靈臺碑陰

司徒掾仲選益高出錢二千鉅鹿太守仲訢伯海出  
 錢萬呂長仲球伯儀出錢三萬七千五官掾仲著尉  
 孟出錢二千從事仲謨升高出錢二千督郵仲照伯  
 敬出錢二千督郵仲鄂伯遠出錢二千主吏仲浮尉  
 輔出錢二千主吏仲均季遠出錢二千主吏仲關伯

豪出錢二千主吏仲眈伯通出錢二千主吏仲遐季  
 甫出錢二千主吏仲曇仲賀出錢二千主吏仲蓋升  
 高出錢二千主吏仲福尉惠出錢二千主吏仲梵子  
 臺出錢二千主吏仲壽宣德出錢二千主吏仲幸仲  
 進出錢二千主吏仲璜景鸞出錢二千督部仲邵子  
 周出錢二千主吏仲調子蹇出錢二千主吏仲客生  
 出錢二千主吏仲阿東出錢二千主吏仲阿先出錢  
 二千主吏仲子林出錢二千主吏仲阿先出錢二千  
 督部外孫問止柳景信出錢四千義民陳彥出錢二

千

右仲氏門宗前所會計沿黃屋出錢名

司徒掾仲選孟高出錢千四百鉅廉太守仲訢伯海  
 錢千四百呂長仲球伯儀出錢三千二百從事仲謨  
 升高出錢千四百督部仲熙伯敬出錢千四百督部  
 仲蓋升臺出錢千四百主吏仲福尉惠出錢千四百  
 主吏仲璜景鸞出錢五百主吏仲調子蹇出錢千四  
 百督部仲邵子周出錢千四百主吏仲熾客生出錢  
 千四百主吏仲東阿東出錢千四百主吏仲阿同出

錢四百義民陳彥弟富富弟贖出錢千

惟仲阿東幸在元冠多有中質遵柜陶規上仁好義

見羣從無者代出錢萬以立碑大意翻然君子善之

恩加骨闕鄉朝所稱縣令管君即請署門下議生都

市掾官未可測矣

主吏仲葵字村武出錢五百

右仲氏宗門所會計立作石碑誦出錢名

守皇屋畜夫仲民主

仇福字仲淵累世同居州里稱術慈孝大聖立祠時

令管君欲造皇屋壁廡來紫忠良咸白福問蔡溢闕

字離闕周理字文機闕嚴萌將作福更縣掾功曹

府諸曹史守尉闕

右靈臺碑陰治黃屋者二十八人作碑者十五人

凡諸仲三十一人異姓者四人其間稱美仲阿東

代群從出錢數十言其末又載工師仇福事亦數

十言碑以皇屋為黃屋遵柜陶規為遵

益州太守高朕脩周公禮殿記

漢初平五年倉龍甲戌旻天季月循舊築周公禮壁

始自文翁應期鑿度開建畔宮立堂布觀廟門相鈎  
 閱司幃延公辟相承至壬甲午故府棟潼文君增造  
 吏寺二百餘間四百年之際變異蓬蠹啟旋機離常壬  
 衡共統強桀并兼人裹僥卒戰兵雷合民散共命烈  
 火飛炎一都之舍官民寺室同日一朝合為灰炭獨  
 笛文翁石廟門之兩觀禮樂崩坦風俗混亂誦讀已  
 絕倚席離散夫禮興則民壽樂興則國化郡將陳笛  
 高君節符興境迄斯十有三載會直復亂西憲匡救  
 濟民塗炭閔斯正靈闕三冠學者表儀闕四大小推

誠興復第館八音克諧鬼方來觀為後昌基闕神不

右益州太守高暎脩周公禮殿記今在成都獻帝  
 初平五年正月朔已改元興平矣此碑書九月事  
 尚用初平者天下方亂道路擁隔置郵到蜀稽晚  
 也碑云始自文翁開建畔宮者西都蜀郡守也又  
 云至于甲午故府梓潼文君增造吏寺者建武中  
 益州太守文參也又云烈火飛炎一朝灰炭者華  
 陽國志云安帝永初時講堂火災獨存石室也又  
 云郡將陳留高君者高暎也諸書多有謬以暎為

朕者朕再作石室在文翁石室之東又東即周公  
 禮殿規模右質井斗異制柱皆削方上狹下廣此  
 記刻于東南之一柱亦木爾歐陽氏以為文翁石  
 柱記者誤也自興平甲戌至于乾道丁亥千有三  
 年殿宇歸然如故由唐顯慶以來以孔子為先聖  
 今禮殿無周公像矣政和中郡守席貢有請詔封  
 文翁為廬江伯高朕為陳留伯在從祀之列云

此碑以旋機為璇機以授為授以蠶啟為蜂起幘恐作蔓王衡即玉衡

孔廟置守廟百石孔龢碑

司徒臣雄司空臣弼稽首言魯前相瑛書言詔書崇  
 聖道勉闕甄孔子作春秋制孝經闕二五經演易繫  
 辭經緯天地幽讚神明故特立廟褒成侯四時來祠  
 事已即去廟有禮器無常人掌領請置百石卒史一  
 人典主守廟春秋饗禮財出王家錢給大酒直須報  
 謹問大常祠曹掾馮牟史郭玄辭對故事辟雍禮未  
 行祠先聖師侍祠者孔子子孫大宰大祝令各一人  
 皆備爵大常丞臨祠河南尹給牛羊豕雞闕二各一  
 大司農給米祠臣愚以為如瑛言孔子大聖則象乾

以為漢制佗先世所尊祠用衆牲長吏備

闕二

欲加

寵子孫敬恭明祀傳于罔極可許臣請魯相為孔子

廟置百石卒史一人掌領禮器出王家錢給大酒直

他如故事臣雄臣武愚慙誠惶誠恐頓首頓首死罪

死罪臣稽首以聞

制曰可

制字高出一字司徒公題名在此行之下司空公在雒陽宮之下

元嘉三年三月廿七日

壬寅奏雒陽宮

司徒公河南原武吳闕字季高

司空公蜀郡成都趙武字意伯

元嘉三年三月丙子朔廿十日王寅司徒雄司空武

下魯相承書從事下當用者選其年卅以上經通一

甄雜試通利能奉弘先聖之禮為宗所歸者如詔書

書到言

未與元年六月甲辰朔十八日辛酉魯相平行長史

事下守長擅叩頭死罪敢言之

司徒司空府王寅詔書為孔子廟置百石卒史一人

掌主禮器選年卅以上經通一甄雜試能奉弘先聖

之禮為宗所歸者平叩頭叩頭死罪死罪謹案文書



守文學掾魯孔龢師孔憲戶曹史孔覽等雜試龢脩  
 春秋嚴氏經通高第事親至孝能奉先聖之禮為宗  
 所歸除龢補名狀如牒平惶恐叩頭死罪死罪上  
 司空府

讚曰魏魏大聖赫赫彌章相也瑛字少卿平原高唐  
 人令鮑疊字文公上黨屯留人政教稽古若重規  
 君察舉守宅除吏孔子十九世孫麟廉請置百石  
 卒史一人鮑君造作百石吏舍功垂无窮於是始  
 右孔廟置守廟百石卒史孔龢碑無額在兗州仙

源縣威宗永興元年立嘉祐中郡守張稚圭按圖  
 經云鍾繇書碑載孔子十九世孫麟廉請置百石  
 卒史一人掌廟中禮器魯相乙瑛書言之於朝司  
 徒吳雄司空趙戒奏於上詔魯相選年四十以上  
 通一經者為之時瑛已滿秩去後相平復以其事  
 上于朝予家所藏石刻可以見漢代文書之式者  
 有史晨祠孔廟碑樊毅復華祖碑太常耽無極山  
 碑與此而四此一碑之中凡有三式三公奏于天  
 子一也朝廷下郡國二也郡國上朝廷三也按孔

僖傳云永元四年襄成侯損徙封襄亭侯子孫相傳迄于漢末襲襄亭之封者二人此碑與史晨碑皆在永元之後仍稱襄成又安帝紀延光三年賜襄成侯帛韓勅碑陰有襄成侯建壽即損也疑損未嘗徙封傳之誤爾鍾繇以魏太和四年卒去永興蓋七十八年圖經所云非也

豕即豕字  
詰即赫字

魯相韓勅造孔廟禮器碑

惟永壽二年青龍左沼歎霜月之靈皇極之日魯相河南京韓君追惟大古華胥生皇雄顏闕育寶俱

制元道百王不改孔子近聖為漢定道自天王以下至于初學莫不駘思嘆叩師鏡顏氏聖明家居魯親里并官聖妃在安樂里聖族之親禮所宜異復顏氏并官氏邑中繇發以尊孔心念聖歷世禮樂陵遲秦項作亂不尊圖書倍道畔德離敗聖輿食糧亡于沙止君於是造立禮器樂之音符鍾磬瑟鼓雷洗觴觚爵鹿椶楹遵校禁壺脩飾宅廟更作二輿朝車威喜宣杼玄汙以注水泝法舊不煩備而來奢上合紫臺稽之中和下合聖制事得禮儀於是四方士士仁間

君風燿敬咏其德尊琦大人之意遠彊之思乃共立  
表石紀傳億載其文曰

皇誠統華肯承天畫卦顏育空染孔制元孝俱祖紫  
宮大一所授前閭九頭以什言教後制百王獲麟來  
吐制不空位承天之語乾元以來三九之載八皇三  
代至孔乃備聖人不世期五百載三陽吐圖二陰出  
識制位之義以俟知真於穆韓君獨見天意復聖二  
族遠越絕思循造禮樂胡輦器用存古舊宇懿懃宅  
廟朝車威燾出誠造闕漆不水解工不弔賈深除玄

汙水通

闕

注禮器升堂天雨降澍百姓訢和舉國蒙

慶神靈祐誠竭敬之報天與厥福永享年壽上極華  
紫旁伎阜代刊石表銘與乾運燿長期蕩蕩於盛復  
授赫赫罔窮聲垂億載

韓明府名勅字村節潁川長社王玄君真二百河東  
大陽西門儉元節二百故涿郡太守魯廡次公五千  
故會稽太守魯傳世起千故樂安相魯廡季公千故  
從事魯張嵩眇高五百相主薄魯薛陶元方三百相  
史魯周乾伯德三百

右魯相韓勅造孔廟禮器碑無額威宗永壽二年立其文雜用識緯不可盡通呂氏春秋云有佚氏女探得嬰兒于空桑是為伊尹蓋託之神物與履拇吞臑同或曰空桑地名也此云聖母顏氏育於空桑不經之甚沿歎者以歎為灘也聖妃者以妃為配也雷洗觴觚爵鹿俎桓遷柎禁壺者以雷為罍以柎為俎也古爵三足而兩柱前若喙後若尾有爵之象趙曰青州近獲一器全為鹿形此所謂鹿豈非肖其形因以名之乎說文木豆謂之桓柎

音凡木名也皮可為索禮器曰大夫士於禁注云禁如今之方案儀禮鄉飲酒禮戶間斯禁設篚于禁南注禁切地無足者壺與上下文符觚與汙協韻當是壺字也胡輦者瑚璉也碑以伎為暨驢音驥遵即遵字涑即字漆

韓勅碑陰

曲成侯王嵩二百河南成畢蘇漢明二百其人處士河南雒陽种亮奉高五百故兖州從事任城呂育季華三千故下邳令東平陸王裒文博千故潁陽令文

陽鮑宮元威千河南雒陽李申伯百趙國邯鄲宋瑱  
 元世二百彭城廣佻姜尋子長二百平原樂陵朱恭  
 敬公二百平原濕陰馬瑤元翼二百彭城龔治世平  
 二百泰山鮑丹漢公二百京北劉安初二百下邳周  
 宣光二百河間東州齊伯宣二百陳國苦虞崇伯宗  
 二百潁川長社王季益三百汝南宋公國陳漢方二  
 百山陽南平陽陳漢甫二百任城番君舉二百任城  
 王子松二百任城謝伯威二百任城高伯世二百相  
 主薄薛曹訪濟興三百相中賊史薛虞韶興公二百

薛弓奉高二百相史卞呂松關遠百驪韋仲卿二百  
 處士魯劉靜子著千故從事魯王陵少初二百故替  
 邳魯开輝景高二百魯曹悝初孫二百魯劉元達二  
 百故替邳魯趙輝彦臺二百郎中魯孔宙季將千邳  
 史魯孔翊元世千大尉掾魯孔凱仲弟千魯孔曜仲  
 睢二百處士魯孔方廣率千魯孔巡伯男二百魯孔  
 憲仲則百尚書侍郎魯孔震元上三千魯孔汎漢光  
 二百守廟百石魯孔恢聖文千褒成侯魯孔建壽千  
 故從事魯孔樹君德千魯孔朝升高二百行義掾魯

弓如射都二百魯劉仲俊二百魯夏侯廬頤二百魯  
 孔儀甫二百文陽蔣元道二百文陽王逸文豫二百  
 魯石子重二百北海劉袁隆展世百魯周房伯基百  
 道西陽樂張普仲堅二百故薛令河內溫朱熊伯珍  
 五百故豫州從事蕃加進子高千南陽宛張光仲孝  
 二百河南雒陽王敬子慎二百

右韓勅碑陰六十有二人不稱字者一人不稱名  
 者二十一人漢人題名必書名字否則各有諛也  
 楊震碑陰孫定博諸人不名者非其門生也逢盛

碑陰崔孟祖數人不名者乃其父黨也題名於韓  
 勅碑左凡八人魯之二庶一傳不名者別守相之  
 尊也張納碑陰主簿白文已下不稱字者示其卑  
 於從事季元也史晨後碑五官掾孔暢六人不稱  
 字者亦示其卑於長史李謙孔僖傳云永元四年  
 徙封孔損為衰亭侯損卒子曜嗣曜卒子完嗣此  
 碑有孔曜仲雅則永壽時曜尚未罷封所謂衰成  
 侯建壽當是孔損之字傳作衰亭其說在孔龢碑自永元四年  
 至永壽二年亦六十五年矣題名中孔族凡十四

人有譜可考者曜及郎中宙御史翊侍郎彪皆孔子十九世孫也建壽爵齒俱尊而在子姓之間宜其不名餘人雖不見爵秩當亦是一時耆老獨曲成侯王嵩一人不稱字豈爵雖襲而年尚穉者乎蘇漢明者已鐫而續書故以其人處士識于下張普朱熊五人書體不同蓋後人所增者

韓勅脩孔廟後碑

皇漢帝元永壽二年青龍建酉孟秋之旬升布天德帝拜大臣曾曾玄玄魯相河南京韓君追惟

孔聖素王受象乾以生于周衝匡政天文德參耀

作應星神稽易制孝升出大人徵符洞壺論要道根

赤書黃字蜚于倉天北落復下大帝闔門龍

歷星官雷動玄紫殼隱震春秋既成效以獲麟功

定道立封禪

維摘靈散六制二百生師經元德浸潭孝道滋榮為

漢制作萬世功志誦受命以授煌煌帝

意流通弟

傾瓦視若見形天挺三五三九之德

獲麟天為移柩曰闕七賢俊以傳君以順顯臣以無

術韓君於氏憤憤之思惟古之嘆念闕為世寶

具受符相魯敷舒闕十謁廟拜墓感有曾玄脩飭舊

宅俟神廟堂自闕瘡域庫室中昭立先王禮樂器闕

字二輿朝車威熹歷日久長承法而制以遵古常崇

聖惟坐蓐席十重改畫聖象如古齒闕十章規柩玄

汙唯深且方宅廟恣脩敬脩藥房闕五道路闕二

周衛行闕十恭肅春秋烝嘗欣樂之情和見於顏惟

墓以闕三歷秦闕高闕業文闕十君於闕五龍闕二

玄禮有制疫國疑少磚壇法不即闕五磚闕二造石

壇闕十遣上公名卿奉表宰祠來闕四位大開闕二

方闕二之用闕二韓君闕九政以弘闕二四方土梁

異人同心共術韓君德政闕八鈐約闕四曰其安闕九

字以臨東海功闕伊望泚歌欽烈蘭芳青雲目闕二

郡闕十荔民闕魯之曰闕二盛隆恩及孤弱惠闕

窮民共闕魯飢寒得充業以土屋闕小懼康存舊闕

德夫闕所行闕四足用梁英徐闕楊闕望老成行額

彼豫闕獨專景闕且立表石勒銘之功君輔漢室聖



帝闕躬子子孫孫封字闕三石表基垂名八皇

府君諱勅字焯節即闕二字仲則弟闕字子臺東

海闕敬謙字季松河東臨汾人字闕四字子暉漢中南

鄭人長史李亮字威明河南人故少府卿任城樊府

君諱豹字伯尹丞駱景字子雲河南滎陽人道人穎

川長字闕三君直五百左尉趙福字闕二北海剡人右

尉字闕三子興九江浚適人

右韓勅脩孔廟後碑威宗永壽三年立其間云脩  
飭舊宅改畫聖象立禮樂器車輿薦席墻室壇井

皆脩廟事也其云謁廟拜墓謂孔墓也又云異人

同心共述德政即題名中道人穎川君直也樊豹

書法獨與衆異當是魯之前相也碑以於氏為於

廊術為述勅為黎齒  
即圖字慶即薦字

魯相史晨祠孔廟奏銘

建寧二年三月癸卯朔七日巳酉魯相臣晨長史臣

謙頓首死罪上

尚書臣晨頓首頓首死罪臣蒙厚恩受任符守

得在奎婁周孔舊寓不能闡弘德政恢崇臺變夙夜

憂恫累息屏營臣晨頓首頓首死。聞死。聞臣以建寧元年到官行秋饗飲酒畔宮畢復禮孔子定拜謁神。望仰瞻椽桷俯視几筵靈所馮依肅肅猶存而無公出酒脯之祠臣即自以奉錢脩上案食。設具以叙小節不敢空謁。臣伏念孔子乾心所挺西狩獲麟為漢制。位故孝經援神。挈曰立制命帝卯行。又尚書孝靈耀曰立生倉際觸期稽度為赤制。故位春秋以明文命綴紀撰書脩定禮義。臣以為素王稽古德亞皇代。雖有衰成世享之封。四時來祭畢即歸國。臣伏見臨辟雍日祠孔子以大宰長吏備爵所以尊先師重教化也。夫封土為社立稷而祀皆為百姓興利除害以祈豐穰。月令祀百辟卿士。士有益於民。矧乃孔子立德煥炳光于上下而本國舊居復禮之日闕而不祀誠

朝廷聖恩所宜特加。臣寢息歆歆情所思惟臣輒依社稷出王家穀春秋行禮以共煙祀餘闕賜先生執事臣晨頓首頓首死。聞死。聞臣盡力思惟庶政報稱為效增異。輒上臣晨誠惶誠闕頓首頓首死。聞死。聞

上

尚書

治所部從事

時副言大傅大尉司徒司空大司農府

昔在仲尼汁光之精大帝所挺顏母毓靈承敝遭衰

黑不代倉闕 汭應聘嘆鳳不臻自衛反魯養徒三千

獲麟趣作端門見徵血書著紀黃玉譟應主為漢制

道審可行乃位春秋復演孝經剛定六藝象與天談

鈞河槲維却揆未然魏魏蕩蕩與乾比崇

右魯相史晨祀孔廟奏銘靈帝建寧二年立按永

興元年孔龢碑載吳雄奏用辟雍禮春秋饗孔廟

出王家錢給大酒直距此纔十有七年史晨復云

到官秋饗無公出酒脯之祠至於自用奉錢乞依

社稷出王家穀以共煙祀此蓋有司崇奉不虔旋

踵廢格也孔龢碑中吳雄奏章則云奏雒陽宮此

亦奏牘乃云上尚書者郡國異於朝廷不敢直達

帝所因尚書以聞也樊毅復華下民租奏其式與

此同漢末專尚識緯乃以鈞河槲維而頌尼父鄙

哉碑以倉為蒼煙為裡汁為叶悒即怖字挈即契字譟古響字

史晨饗孔廟後碑

相河南史君諱晨字伯時從越騎校尉拜建寧元年  
 四月十一日戊子到官乃以令日拜闕孔子聖見闕  
 觀式路震蹠既至升堂屏氣拜手袒肅屑僂髻歸若  
 左依依舊宅神之所安春秋復禮稽度玄靈而無公  
 出享馘之慶欽回春饗導物嘉會述脩辟廡社稷品  
 制即上尚書叅以符驗乃敢承祀餘肫賦賜刊石勒  
 銘并列本奏大漢延期彌歷億萬  
 時長史廬江舒李謙敬讓五官掾魯孔暘功曹史孔

洧戶曹掾薛東門榮史文陽馬琮守廟百石孔讚副  
 掾孔綱故尚書孔立元世河東大守孔雋元上冢士  
 孔袞文禮皆會廟堂國縣負冗吏無大小空府竭寺  
 咸俾來觀并畔宮文學先生執事諸弟子合九百七  
 人睢歌吹笙考之六律八音克諧蕩邪反正奉爵稱  
 壽相樂終日於穆肅廡上下蒙福長享利貞與天無  
 極

史君饗後部史仇誦縣吏劉耽等補完里中道之周  
 左廡垣壞決佗屋塗色脩通大溝西泝里外南注城

池恐縣吏殺民侵擾百姓自以城池道濡麥給令還  
所殺民錢秣

史君念孔瀆顏母井去市道遠百姓酤買不能得香  
酒美肉於昌平亭下立會市回彼左右咸所願樂

又勅瀆井復民飭治桐車馬於瀆上東行道表南北  
各種一行梓

儼夫子冢顏母井舍及魯公冢守吏凡四人月與佐  
除

右史晨饗孔廟後碑前碑載奏請之章此碑叙饗  
禮之盛其補墻垣治瀆井種梓守冢皆在饗廟之

後字畫亦大小不等蓋史君孔林中事不一書也

碑以文陽為汶陽濡為孺蔑即薦字穴  
即冗字店即墻字壞即壞字肉即肉字



隸釋卷第一

隸釋

卷第一

三九

隸釋卷第二

西嶽華山廟碑

西嶽華山亭碑

樊毅復華下民租碑

樊毅脩華嶽碑

東海廟碑

桐柏淮源廟碑

殺阮君神祠碑

并陰

西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾以定位山澤通氣雲行雨施既成萬物易之義也祀典曰日月星辰所昭印也地理山川所

生殖也功加於民祀以報之禮記曰天子祭天地及山川歲遍爲自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方親至其山柴祭燔燎夏商則未聞所損益周鑒於二代十有二歲王巡狩殷國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登假之道巡省五嶽禋祀豐備故立宮其下宮曰集靈宮壁曰存僊壁門曰望僊門仲宗之世重使使者持節祀焉歲一禱而三祠後不承前至于亡新寔用企虛託今垣趾營地猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過亨祭然其所立碑石刻紀時事文字摩滅莫能存識延熹四年七月甲子弘農太守安國亭侯汝南袁逢掌嶽之主位應古制脩廢起頓閔其若茲深達和民事神之義精通誠至初祭之福乃案經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲  
雨我農桑資糧品物亦相瑤光崇冠二州方曰雖梁  
馮于幽岐文武克昌天子展義巡狩省方玉帛之贄  
禮與岱齊六樂之變舞以致康在漢中葉建設宇堂  
山嶽之守是秩是望侯惟安國兼命斯章尊脩靈基  
肅共壇場明德惟馨神歆其芳遏穰凶札稔斂吉祥  
歲其有年民說無疆

袁府君肅恭明神易碑飾闕會遷京兆尹孫府君到  
欽若嘉業遵而成之延熹八年四月廿九日甲子就

袁府君諱逢字周陽汝南女陽人孫府君諱璿字山  
陵安平信都人時令朱頡字宣得甘陵郟人丞張舅  
字少游河南京人左尉唐佑字君惠河南密人主者  
掾華陰王萇字德長

京兆尹勅臨都水掾霸陵杜遷市石遣書佐新豐郭  
香察書刺者穎川邯鄲公脩蘇張工闕君闕

右西嶽華山廟碑篆額在華州華陰縣威宗延熹  
四年袁逢守洪農郡以華嶽舊碑文字摩滅遂案  
經傳載原本勒斯石以垂後會遷京尹乃勅都水



掾杜遷市石遣書佐郭香察書碑成於後之四年  
 蓋孫璆典郡時也逢者司徒安之曾孫太尉湯之  
 次子嘗為司空而卒史不載其歷洪農京兆乃闕  
 文也東漢循王莽之禁人無二名郭香察書者察  
 涖它人之書爾小歐陽以為郭香察所書非也碑  
 云四時中月省方柴祭不讀中為仲其義亦通至  
 以宣帝為仲宗則是借仲為中說者謂漢世字少  
 故多假借或曰漢人簡質字相近者輒用之予以  
 為不然亦好奇之過爾以帝者廟號而借以它字

不恭孰甚焉

碑云昭即禮記作瞻仰亦即亢字另

為廢女陽  
為汝陽

### 西嶽華山亭碑

惟光和元年歲在戊午名曰咸池季冬己巳弘農大  
 守河南河南樊君諱毅字仲德下車之初恭肅神祀  
 西嶽至尊詔書奉祠躬親自陞省從簡謙即事有漸  
 散齋華亭齋室逼仄窄郡縣官屬灑齋輶處尊卑錯  
 總精誠不固畏天之威逢斯瘴怒時雨不興曰甘澍  
 弗希念存黔首懼闕曠繁於是與令巴郡胸忍先謹

公謀圖議繕故斷度擇廓立室異處左右趣之莫不  
競慕二年正月己卯興就既成有片亢休嘉啟禧各  
得竭情福祿是顧刻茲碑號吏卒俠路其辭曰

巖巖西嶽五鎮次宗緒德之尊大華優隆皇帝永思  
祀典孔明高神百宴珪璧贄通赫赫在上以畜萬邦  
惟嶽降神寔生羣公卿士百辟績業徼蒙帝命不違  
歲事報功后辟命卿散齋外亭敬恭明祀以奉皇靈  
處所逼窄罕有聲神樂其靜脩翬毳形尊卑有序  
繫心致誠因繕舊室整頓端平在其板屋孰不加精

天人同道萬祀是迎既受帝祉延考後生為龍為光  
顯人王庭為公為侯福禴來成刻石紀號永亨利貞  
府丞勃海劉固村長功曹史楊儒寧先主簿湖楊馮  
伯馮供曹掾楊基伯載史陝許禮文化縣丞隴西彭  
和伯怡左尉隴西甄瓌村寧臨興者門下掾駱瑗伯  
先主記史柏覽文進戶曹掾魏嘗威長史田瞻文祖  
將佐掾曹鑒孔明任就多成史吳武丙昌

右西嶽華山亭碑篆額碑云光和元年歲在戊午  
名曰咸池案淮南子論天之四宮曰咸池者水魚

之囿天官書云西宮咸池曰天五潢奎婁胃昂畢  
 觜參居之敦牂歲星以五月與胃昂畢晨出東  
 方名曰天津蓋三宿在西宮之中而歲星以午年  
 舍其分故以咸池為名所云天津者亦取五潢之  
 意淮南又以斗杓為小歲咸池為太歲而謂其每  
 歲自卯逆行四仲即陰陽家所推以忌乘航者是  
 也許祭酒注云咸池星名水魚天神蓋經星隨璇  
 機之運不可離其次者周流四仲當是其神爾故  
 晉志又云咸池魚囿也

碑以俠為夾帑即布字繁  
 即素字設即啓字頁即肯

字昂即  
 曼字

樊毅復華下民租田口算碑

光和二年十二月庚午朔十三日王牛弘農大守臣  
 毅頓首死罪上

尚書臣毅頓首頓首死罪死罪謹案文書臣以去元  
 年十一月到官其十二月奉祠西嶽華山省視廟舍  
 及齋衣祭器率皆久遠有垢故魯不脩大室春秋位  
 譏臣以神嶽至尊宜加恭肅輒遣行事荀珽與率陰  
 令先讜以漸繕治成就之後仍雨甘雪灑潤宿麥惠

滋蕩庶臣即日以詔書齋祠雪未消澤時日清和神  
歡民喜誠

聖朝勞神日昊廣被四表覆毓之德神人被施遐邇  
大小莫不牽甚臣毅頓首頓首死罪死罪謹又書言  
縣當孔道加奉尊嶽一歲四祠養牲百日常當充肥  
用穀粟三千餘斛或有請雨齋禱後費兼倍每被詔  
書調發無差山高聽下恐近廟小民不堪役賦有飢  
寒之窘違宗神之敬乞差諸賦復華下十里以內民  
租田口美以寵神靈廣祈多福隆中興之祐臣輒聽  
行盡力奉宣詔書思惟惠利增異復上臣毅誠惶誠  
恐頓首頓首死罪死罪上

尚書

掾臣徐屬臣淮書佐臣謀

弘農大守上祠西嶽乞縣賦發差復華下十里以內  
民租田口美狀

右樊毅乞復華下民租田口筭狀此碑全載先和  
二年十二月壬午奏牘別無它詞蓋毅到郡即遣  
官屬繕治廟宇縣令以地當孔道一歲四祠有養

牲之費調發之勞故為華下十里之內希句恩卹  
 雖不同孔廟卒史碑併載朝廷施行語案後碑云  
 上奏復賊克厭帝心則知已從其請矣碑後有唐  
 興元中縣令盧倣題字云碑在廟北隙地沒于荒  
 榛時方徙之縣治云

此碑為黎藏為漸前漢志注云三輔黃圖漸臺亦作藏

樊毅脩華嶽碑

山經曰泰華之山削成四方其高五千仞廣十里周  
 禮識方氏華謂之西嶽祭視三公者以能興雲雨產  
 萬物通精氣有益於人則祀之故帝舜受堯歷數親  
 自巡省設五鼎之奠柴燔壇埋致敬神祇艾用昭明  
 百穀繁殖羣民時雖鳥獸率儻鳳皇來儀暨夏殷周  
 未之有改也其德休明則有禎祥荒淫燥熾薦災必  
 降秦違其典辟遺部池二屯以亡

漢祖應運禮遵陶唐祭則獲福亦屯克昌亡新滔淫  
 鬼神不亨建武之初彗掃頑凶更率舊章敢用玄牡  
 牲牲必充天惟醇祐萬國以康光和二年有漢元明  
 五侯之胄謝陽之孫曰樊府君諱毅字仲德承考讓  
 國家于河南究職州郡辟公府除防東長中都令誅

強黼撫瘠民二鄙以清命守斯邦威隆秋霜思踰冬  
日景化既宣由復夕惕惟寵祿之報順民之則孟冬  
十月齋祠西嶽以傳罔狹不足處尊卑廟舍舊久牆  
屋傾亞卽室不脩春秋佗譏特部行事荀珽與縣令  
先謹以漸補治設中外館圖珍琦畫恠獸嶽瀆之精  
所出禎秀役不干時而功已著暫勞久逸神永有憑  
自古泰山邴邑由存區嶽尊同哀此勤民獨不賴福  
乃上復十里內工商農賦克厭帝心嘉瑞仍畚風雨  
應時灑潤品物君舉必書况乃盛德惠及神人可無

述焉於是功曹郭敏主簿魏龍戶曹史許禮等遂刊

玄石銘勒鴻勛垂曜童軫永有昭識其辭曰

兩儀剖判清濁始分陽凝成山陰積為川泰氣靡香

洪波汜臻堯命伯禹決江開汶以靈既定

闕二地民

乃列祀典辨于羣神因瀆祭地嶽以配天卽主遵脩

永亨歷年赤鏡煌煌受茲泰福京夏密清殊俗賓服

令問不違可謂至德德音孔昭實惟我后出自中興

大漢之明本枝繁昌延慶長久俾守西嶽遠奉神禮

改傳飾廟靈則有濟降瑞畚衽景風凱悌惟風及雨

成我稷黍。民用章康。艾室宇刊。銘紀誦克。配梁甫。右樊毅脩華嶽碑。華嶽有樊毅之碑。三華亭及華租碑。皆云祠事在元年季冬。華亭碑云繕治就緒。在二年正月。此碑叙始祠。乃在二年十月。與前不同。蓋此碑多誇如云。復十里內工商農賦。夫以祠祭勞民。養牲費橐。為農乞復。租筭可也。工商何與焉。前碑以午年季冬。己巳齋祠。至來春己卯。旬之內。工役已就。則所脩者散齋外亭爾。蓋是以次。整土工役。相繼至末年之冬。眾作咸畢。十月之祠。

乃是次年再舉。此云役不干時而功已著。蓋欲美其速成。故不引午年之祭也。碑云有漢元舅五侯之。曹謝陽之孫。按范書樊宏封壽張侯。樊丹射陽侯。樊尋玄鄉侯。樊忠更父侯。樊茂平望侯。樊氏侯者。凡五國。毅即丹之後也。水經云泚水西南流。謝水注之。詩所謂申伯番番。既入于謝者。樊丹封謝陽。即其國。又云自廣陵出白馬湖。逕山陽城西。即射陽縣之故城。高祖封項纏為射陽侯。乃其地。據此則傳以丹為射陽誤也。

碑以識方為職方壇為裡犁為黎澱為穢澱為

漸兄為况 莒幹為億 齡 舜即 舜字 舍即 荅字 奈即 介字

東海廟碑

惟永壽元年春正月有漢東海相南陽桓君下念四  
 時享祀有常每飾壺切旋則阨崩矜閔吏下費者不  
 永寧凡尊虛祇敬鬼神寔為黔勅祈福下咸慕義民  
 相帥四面並集乃部掾何俊左榮下殿位兩傳起三  
 樓經構既立事業畢成俊等鑄石欲下榮非仁也故  
 遂闕而不著初縣典祠雖有澆出附增之下絕請求  
 姑息之源瀕海鹽缺月有貴賤收責侵侔民多下限

貧富俱均下不容姦缺仁憂缺三惠康民賴其利

熹平元年夏四月東海相山陽滿君缺四初躬令下

進瞻壇缺退宴礼堂嘉羨君功既爾缺三 是乃退咨

下缺惜勛績不著後世無聞遂位頌曰

浩浩倉海百川之宗經落八極潢缺二洪波潤下物

雲雨出焉天淵缺二禎祥所缺昔在前代昭事百下

有司齊肅致力四時奉祠蓋亦所以敬恭明神報功

下缺闕倚傾於鑠桓君是繕是脩缺二慕缺不日而成

功下缺孫 退述爰勒斯銘芳烈永著缺載垂馨



碑陰

闕者秦始皇所立名之秦東門闕事在史記

右東海廟碑靈帝熹平元年立在海州永壽元年東海相南陽君崇飾殿宇起三樓作兩傳其掾屬何俊左榮欲為鐫石而南陽君止之厥後山陽滿君踵其武嘉歎勛績為作碑頌而二君名皆淪滅矣別有數句載秦東門事乃頌所謂倚傾之闕者碑錄胸山有秦始皇碑云漢東海相任恭脩祠刻於碑陰似是此也任君當又在滿君之後南陽之

後更十八年後人猶頌其美則模撫決非苟然者予官京口日將士往來胸山者云海廟一椽不存自今非四十年前舊物不復見此刻矣歐陽公時天下一家漢碑雖在遐陬窮谷無脛而可至集古錄中已屢言難得為可寶况今乎

碑中以  
地為地

桐柏淮源廟碑

迺熹六年正月八日乙酉南陽太守中山靈奴缺君君處正好禮尊神敬祀以淮出平氏始於大復潛行地中見于陽口立廟桐柏春秋宗奉灾異告愬水旱請

求位比諸侯聖漢所尊受珪上帝大常定甲郡守奉  
 祀濟絜沈祭從郭君以來廿餘年不復有至遣丞行  
 事簡略不敬明神弗歆灾害以生五嶽四瀆與天合  
 德仲尼慎祭常若神在君准則大聖親之桐柏奉見  
 廟祠崎嶇逼狹開拓神門立闕四達增廣壇場飭治  
 華蓋高大殿宇缺齊傳館石獸表道靈龜十四衢廷  
 引啟宮廟嵩峻程慎慶祀一年再至躬進三牲執玉  
 以沈為民祈福靈祇報祐天地清和嘉祥昭格禽獸  
 碩茂草木芬芳黎庶賴祉民用作頌其辭曰

注注淮源聖禹所導湯湯其逝惟海是造跡穢濟遠  
 柔順其道弱而能強仁而能武缺二書天明哲所取  
 寔為四瀆與河合矩烈烈明府好古之則震恭祀祀  
 不愆其德惟前廢弛匪躬匪力灾眚以興陰陽以忒  
 陟波高岫臻茲廟側肅肅其敬靈祇降福雍雍其和  
 民用悅服穰穰其慶丰穀豐殖聖君與駕扶老攜息  
 慕君塵軌戒走忘食懷君惠賜思君罔極于肯樂于  
 傳于萬億

春侍祠官属五官掾章陵劉訢功曹史安眾劉瑗主

薄蔡陽樂茂戶曹史宛任巽

秋五官掾新缺梁懿功曹史鄺周謙主簿安衆鄧寔

主記史宛趙旻戶曹史宛謝綜

右桐柏淮源廟碑今在唐州載延熹六年南陽守

躬祠淮廟事水經云廟前有碑是郭苞立又二碑

延熹中守令所造此則其一也碑云奉祀齋絜字

書無齋字以文意推之當為齋戒之齋此碑又有

一正書者如華蓋誤作萃豐書夜誤作立式凡十

數字婁壽亦有正書一碑州鄰誤作鄰里愛懷誤

作盛德其難辨如朱爵及處謚字則以為闕文予

之費目力於此書良不少也

拓即拓字華即華字  
祖即祇字表即奔字

敬阮君神祠碑

天地定位山

字缺七

嶽瀆諸侯

缺

事其細

缺

祭法白山

林川谷有益於民

字缺二

左祀典夫中條之山者蓋華

岳之體也石隄樹谷南通商雒以屬熊耳百川鍾集

充崖滿谷時有盛雨彭瀆涌溢乘高趨下揚波跳沫

於是斂阮以為之黃承寫其流北注諸渭蠲滌瀦暴

使不為害前古通利吏民興貴有御史大夫將軍牧

伯故為立祠以報其功自亾新已來其祀墮廢跡稍  
 堙塞跽防沮潰漂沒田疇滯敗亭市神怒民怨縣遂  
 以袞賤仕宦失官踣弊不震迄先和四年佗諮之歲  
 令河東聞憲缺君諱缺字君缺為政以德五教時序  
 肅恭明神敬奉禋祀勤郵民隱而除其害愍一縣之  
 陵遲懼缺至之無備追惟伯禹遏治之利乃復浚治  
 敵跡通利其水紹脩舊祀弘拓其祠使民報祈視於  
 社稷其有徵拜州郡辟召皆當來辭大小有差敵跡  
 君尚饗後之人是遵是奉神必據焉

光和四年六月辛未造

丞陳苗陳苗夏龔叔淵左尉金城令居張德元缺有  
 秩長安賈福仲鮫田亮伯南蘇憲仲夏高紺子彊蘇  
 璋元興路陽子慎缺二仲義蘇立仲節李邵伯孝李  
 政寧安王勝元超趙榮宣昌侯榮缺方趙殷仲理王  
 弘漢侯楊習元永襄防季方介冲景升趙濟子成但  
 邵仲雲田芝子村張珪子珪栢梁子順來臨選高許  
 傾缺二楊平長方李珎伯缺丁封漢侯李和元永范  
 建子順呂泉文淵田表文飾王范顯方李紀德和靳

苗長南賈熙子寧任觀

字缺二

吳楞子方張巽多謙李

衡升擢王琦威賢張脩元載田禧元明王衍元升田

謙敬讓趙慎季都劉翔進方王頌子睢王咸多寧梁

和子陽馬

缺選高帶

缺仲公帶

遠升高郭義君思蘇

禎元升閔漢國寧郭歆賢明郭捷仲捷趙嵩瑋高劔

翊子翊田僊多和高盛村排楊服國先賈靚子上慈

仁安國張信村信

右般阮君神祠之碑銘篆額在鄭縣靈帝光和四

年縣令裴畢字君先立碑无縣令姓名据水經得

之般有二陵古稱地險蓋小阜高深雨盛水集有

阮以儲之則可以疏泄溉注而無溢溢之患自晉

魏以來謂之五部神廟歐陽公嘗託部使者模此

碑命工以麩填其刻而鐫剔之始可讀云廟有石

隄西成樹谷五樓先生東臺御史王翦將軍之像

莫可曉今碑云石隄樹谷南通商雒當是有石為

隄有木為谷後人因以名其神碑云前世通利吏

民興貴有御史大夫將軍牧伯故為立祠考其文

意蓋謂前世阮不堙塞水泉通利地產人物有至

御史將軍牧伯之貴者後人不孝亦以名其神爾  
 先和之四年龍集辛酉此碑以作噩為作詔者出  
 西漢天文志碑之未有題名六十六人云有秩長  
 安知其皆長安人也李翕碑云衡官有秩李瑾倉  
 頡碑云蓮勺左鄉有秩衛彈碑云有秩定陵杜則  
 漢志有秩郡所署秩百石掌一鄉人戶五千則置  
 言其官裁有秩也

殺阮碑陰

碑以彭為澎所即  
阮字拓即拓字  
 上缺 五人 散 鵠 伯 鸞 龍子恩 梁 儼 伯 然 張 叙 敬 升 鍾

乾元 遜 王 裴 仲 輔 王 典 翁 讓 吳 中 文 和 王 肅 伯 維 徐  
 相子 柜 茂 宣 德 張 鴻 子 恩 杜 賸 元 載 姚 堂 元 政 林 取  
缺 翁 舉 孔 脩 仲 缺二 衛 伯 魯 缺十 趙 翔 德 鸞 李 嵩 子  
 師 尹 擢 升 先 李 缺二 禮 史 嵩 君 義 史 訇 德 和 張 棊 彦  
 輔 王 賢 村 善 靳 訓 彦 德 田 珠 村 王 史 柜 翁 升 王 鳳 德  
 鸞 解 訓 元 龍 馬 彤 仲 選 董 衡 奉 德 王 興 升 侯 徐 禰 升  
 舉 缺七人又 景 傳 介 覽 孔 紀 缺二 文 德 張 缺 延 明 季  
 覽 景 豪 程 缺 孔 臺 壽 翼 彦 瑛 吳 缺 文 平 王 蘭 元 臺 李  
 義 孝 鸞 鄭 續 翁 嗣 楊 深 翁 羅

右郡吏名

王祺孔鸞吳楚彦林吳頌仲升王衡相如嚴常德淵

灌珠升明張儁廣漢郭永子長介演仲瑤費常伯臨

藥授博文董缺德和字信缺相缺二字又張訓缺

字李操翁卿王巽仲宜田昌世昌姚恪文珪萇缺元

和缺舊翁才夏廣政方戴玘文直閔芳瑋瑛張祺叔

盖王皓景然張奉文鸞田俱伯俱李珪永齊趙超文

村陳異子都高廣廣寧万珪叔珪薛胡威甫救舉遂

興韓高元寶尹廣元佐王方叔段袁渡廣世缺二人

字升缺二蔣仲謀田翕伯佑郭曙元良王缺叔海田

撈威甫趙撫盖缺來仁伯仁馬弘阿買田式文嗣王

京子京李龍升和楊常子騫趙授保受龐龍子贛李

字缺二義王酺雲甫救芳文曜田寧叔威姚豐富缺楊

暉進缺張宗宣平范甫次君缺二子雲缺四人又顯

明胡放子封王盖盖德李康季邑蘇排村排蘇香伯

志籍昌仲昌田嵐仁卿馬碭村碭萇冬冬生王雲文

謙緩羣伯羣徐位建明趙達文達李拂漢威趙寧寧

昌尹涼升和張炅子師略陽京師張寵孟升李汎長

珠涂衡仲緒杜淵季淵缺忠子信王忠長和趙春孟

春王覽文進字缺二阿缺一字又王尊長珪楊愷子缺

上官季弟楊道紂道蹇亮君謙缺滿顯成楊雨石雨

北宮世平楊寧長寧吳累元累許和元德劉寧寧興

劉盛子上劉奉阿奉劉興阿興劉緒長升鄭文文平

袁帶紂平朱長桂房房字張輔伯輔字缺二孟堅王遠厚

興華選孟方陳友紂友潘京阿京北宮子祿朱汜伯

缺李延延方靳政方政車春阿春田彥彥孫慎子

慎王賀元賀華長阿長張選紂安田高長高魚升升

明趙始始昌楊明阿明楊陽阿陽張丙阿丙李靚孔

和趙墨阿黑李賢阿賢張長阿長李南阿南魏騫伯

信李誨元稱藥適子長楊覽文博侯懿文都張僉元

行王進缺楷田晉元臺蘇缺伯臺楊祺伯昌孫恪文

敬桓敷公平范叙文彊劉文文載吳鴻子超趙懿子

骨潘建文德雲協選和陳步紂才朱瓊子紂史容子

容楊吉文行缺遠子遠北宮阿猛王劉季各布字張侯

孟都張蕃市生駱紹承先蘇都紂才馬金阿金趙覽

文博車詡季詡靳彥彥平魏熹缺熹缺汜文才田黑



阿黑缺一 吳字缺三 田缺 阿羣高惊子珪陳傾阿傾杜

寔阿寔韓廣廣寧任負阿負趙澈阿越田擢子缺王

臺村臺田缺 孝缺 夏侯阿升吳道文建王尊阿尊龍

曜文曜子經升高馮羣阿羣松龍文猷吳鳳阿鵠趙

衆文德李超元德缺 脩文和侯暘文義田寄阿寄唐

觀阿缺 田字缺二 彦賈缺 仲缺一字又 田字缺三 李崇阿

崇來嵩升高楊才達升趙長阿長龍寧阿寧帶宮阿

宮蘇永德長王忠阿忠張湘元缺 李曜翁才張蘭蘭

卿史式阿式鄭儉村節董遜升高任羣阿羣潘升阿

升楊敞阿敞田通升達嚴別阿保趙客阿生田謹阿

謹龍就翁德任遷阿遷張金阿金陳奉文和高揚宣

舉字缺三 達缺一 壽盖阿盖張飛翁龍賈奉阿奉王脫

萬歲略陽孝弟趙尊元敬缺 玉缺 瑛戴缺 文持趙缺

元崇夏統子治田受子道高真子慎楊通子通張睢

子升張寧子安吳丙子升缺 豪文賀隗益阿盛張漢

子缺 甄謀子謀侯選子選張睢睢缺 孫龍子缺 趙堅

子堅魏生長生金字缺三 杜缺一字又 略陽子缺 季偃

子缺 秦盧孔盧楊缺 子缺 樂朝朝卿王昊阿昊

右穀阮神碑陰三百四十二人其磨滅不可見者三十餘字小而勁漢隸之神品也前碑之後曰有秩者六十餘人在碑之陰則無秩可知矣其前四十餘人稱之曰郡吏其間四十人皆字其名而繫以阿字如劉興阿興潘京阿京之類必編戶民未嘗表其德書石者欲其整齊而強加之猶今閭巷之婦以阿挈其姓也又有複姓數人但云北宮世平夏侯阿升可見其不欲參差也靈臺碑陰載諸仲名字有仲東阿東及仲阿同仲阿先數人與此

正相類

鼻即曼字  
它碑皆然



隸釋卷第二

隸釋

卷第二

三

隸釋卷第三

老子銘

楚相孫叔敖碑

并陰

仙人唐公房碑

并陰

張公神碑

三公山碑

無極山碑

白石神君碑

老子銘

老子姓李字伯陽楚相縣人也春秋之後周分為二  
稱東西君簪六卿專証與齊楚竝僭號為王以大并  
小相縣虛荒今屬苦故城猶在在賴鄉之東過水處

其陽其土地鬱壘高敞宜生有德君子為老子為周  
 守臧室史當幽王時三川實震以夏殷之季陰陽之  
 事鑿喻時王孔子以周靈王廿五年生到景王十年年  
 十有七學禮於老聃計其年紀聃時以二百餘歲聃  
 然老旄之貌也孔子卒後百廿九年或謂周大史儋  
 為老子莫知其所終其二篇之書稱天地所以能長  
 且久者以不自生也厥初生民遺體相續其死生之  
 義可知也或有浴神不死是謂玄牝之言由是世之  
 好道者觸類而長之以老子離合於混沌之氣與三

光為終始觀天化識

缺

降什

斗

星隨日

九變

與時消

息規

三光四靈在旁存想丹田大一紫房道成身

化蟬蛻渡世自羲農以來

缺

為聖者佗師班固以老

子絕聖棄知禮為亂首與仲尼道違述漢書古今人

表檢以法度抑而下之老子

缺

與楚子西同耕林不

及孫卿孟軻二者之論殊矣所謂道不同不相為謀

也延熹八年八月甲子

皇上尚息弘道舍闕光大存神養性意在凌雲是以  
 潛心黃軒同符高宗夢見老子尊而祀之于時陳相

邊韶典國之禮材薄思淺不能測度至人辯是非  
案據書籍以為老子生於周之末世玄虛守靜樂無  
名守不息危高官安下位遺孔子以仁言辟世而隱  
居變易姓名唯恐見知夫日以幽明為節月以虧盈  
自成損益盛衰之原倚伏禍福之門人道惡盈而好  
謙蓋老子勞不定國功不加民所以見隆崇于今為  
時人所享祀乃昔日逃祿處微損之又損之之餘眚  
也顯虛无之清冢云先天地而生乃守真養壽獲五  
福之所致也敢演而銘之其辭曰

於惟缺息抱虛守清樂居下位祿執弗營為繩能直  
屈之可縈三川之對舒憤散逞陰不填陽孰能滯并  
見機而佗需郊出坳肥適之吉辟世隱聲見道遺言  
道意之經譏時激喻尋顯推冥守一不失為天下正  
處厚不薄居實舍榮稽式為重金玉是輕絕嗜去欲  
還歸於嬰皓然歷載莫知其情頗違法言先民之程  
要以无為大缺用成進退无恆錯綜其貞以知為愚  
冲而不盈大人之度非凡所訂九等之敘何足累名  
同光日月合之缺星出入丹廬上下黃庭背棄流俗

舍景匿形苞元神化呼吸至精世不能原印其永生  
天人秩祭以昭厥靈羨彼延期勒石旻旌

右老子銘篆額在亳州苦縣苦屬陳國故其文陳  
相邊韶所作碑云延熹八年八月帝夢老子尊而  
祀之帝紀此年春冬兩遣中常侍至苦祠老子水  
經載蒙城王子喬碑亦云延熹八年八月帝遣使  
致祠國相王璋乃銘紀遺烈蓋威宗方脩神仙之  
事故一時郡國競作碑表此石立於延熹無疑杜  
子美云苦縣光和尚骨立者誤也碑中多用大史

公語唯眇然老旌之說不同韶以老子與子西同  
科深詆班孟堅之失至於韓非同傳則又置而不  
論何也碑云孔子學禮於老子時年十有七按世  
家孔子年十七孟釐子病誠其嗣必師孔子故孟  
懿子與南宮敬叔往學焉其次又云敬叔與孔子  
適周見老子詳史之所記初非一年中事况孟釐  
子卒在魯昭公二十四年孔子蓋年三十有五矣  
韶不詳究史家之指而誤用之何貴乎五經笥也  
碑以浴神為谷神旌與耄同渡與度  
同林與纒同纒與累同冢與寂同

楚相孫叔敖碑

舊碑缺五十餘字此用續刻者故其文全

楚相孫君諱饒字林敖本楚縣人也六國時期思屬  
 楚楚都南郢南郢即南郡江陵縣也君受純靈之精  
 懷絕世之才有大賢次聖之質少見投首蛇對其母  
 泣吾將死母問其故曰吾聞見投首蛇者死今日見  
 之母曰若奈之何吾然行數十步念獨吾死可空復  
 令他人見之死為曰埋掩其刑母曰若無憂焉其陰  
 德玄善遂為父母九族所異及其為相布政以道孝  
 文象之度敬授民時照藏於山殫物於藪宣導川谷

波障源淥溉灌坂澤堤防湖浦以為池沼鍾天地之  
 美收九罨之利以愍潤國家家富人喜優嗜樂業拭  
 序在朝野無蟻餼豐年蕃庶人有曾閔貞孝之行四  
 民美好從容中節高梱改幣一朝而化其憂國忘私  
 乘馬三車不別牝牡繼高陽重藜五舉子文之統其  
 忠信廉勇禮樂文章軌儀同制其富國充民明天時  
 盡地力寔堅禹稷不能踰也專國權寵而不榮華一  
 旦可得百金至於歿齒而無分銖之蓄破玉玦不以  
 寶財遺子孫終始若矢去不善如絕罔辟患害於無

刑術節高義敦良奇介自曹臧孤竹吳札子罕之倫  
不能驟也生於季末仕於靈王立溷濁而澄清處幽  
晦而照明其遺武餘與懼不與戲皇帝代同世世為  
列姬國在朝廷其意常墨墨若冠章甫而望塗炭也  
病甚臨卒將無棺郭令其子曰優孟曾許千金償吾  
孟楚之樂長與相君相善雖言千金實不負也卒後  
數年症王置酒以為樂優孟乃言孫君相楚之功即  
忼慨商歌曲曰貪吏而可為而不可為廉吏而可為  
而不可為貪吏而不可為者當時有汙名而可為者

子孫以家成廉吏而可為者當時有清名而不可為  
者子孫困窮枝竭而賣薪貧吏常苦富廉吏常苦貧  
獨不見楚相孫叔敖廉潔不受錢涕泣數行若缺首  
王王心感動覺悟問孟孟具列對即求其子而加封  
焉子辭父有命如楚不忘亡臣社稷缺而欲有賞必  
於潘國下濕堯堯人所不貪遂封潘鄉潘即固始也  
三九無嗣國絕祀廢固始令段君夢見孫君則存其  
後就其故祠為架廟屋立石銘碑春秋烝嘗明神報  
祚即歲遷長掖大守及期思縣宰段君諱光字世賢



魏郡鄴人庶慕先賢體德允恭薦古尊舊奉履憲章  
 欽翼天道五典興通文藉祭祠祇肅神明臨縣一載  
 志在惠康壑枯粟乏愛育藜蒸討掃醜類鰥寡是矜  
 杜偽養善是忠表仁感想孫君迺發嘉訓興祀立壇  
 勤勤愛敬念意自然刻石銘碑千載表績萬古標記  
 福祐期思縣興士熾孫氏蒙恩

漢延熹三年五月廿八日立

右楚相孫君之碑隸額今在光州延熹三年固始  
 令段光為叔敖作廟所立昔楚莊王朝而晏罷樊

姬因言虞丘子之非虞丘乃薦叔敖代已而去楚  
 國區區前有虞丘後有孫叔其內又有樊姬莊王  
 雖欲不霸得乎左氏傳載為敖為艾獵杜預皆以  
 為叔敖它書但云孫叔敖此碑獨言其名饒未知  
 何據高相改幣乃孫叔革故易俗之事左傳所云  
 君子小人物有服章亦是類也蛇有二首謂之枳  
 首枳讀如枝亦曰岐首此云枝首蓋是借用鼃錯  
 倪寬史家亦用朝与兒字此以伍舉作五舉以庭  
 堅作霆堅豈古亦通用乎

碑中以刑為形以波為  
 陂以拭為式以佩為贊

以蔡為黎以駮為參以墨為默以郭為博以孫叔長掖為張掖泉添水而為淥澤去水而為罽

以忠清相楚不以寶財遺子孫玉玦尚猶破之蓋

季文子公儀休之倫也云云未幾妻子至於披褐

賣薪楚廷非无左右大臣塗其耳而不聞卷其舌

而不談慷慨悲歌感寤主聽乃一伶人爾豈樊姬

已死而叔敖薦進之士不逮虞丘乎三九無嗣者

无相繼為三公九卿也又質聚游野螟處塗遷解

孫叔敖碑陰

延熹三年歲在

字缺二

中夏之節政在封表期恩長光

視事一紀訪問國中耆幸舊齒素聞孫君楚時良輔

本起此邦垂名於後博求遺苗曾玄孫子孝龜吉辰

五月辛卯宜以存廢可立碑祀招請諸孫都會國右

郭西道北處所顯好興上宰祭倡優鼓儻式序其胄

授之端首先以不肖貪追賢烈以自榮寵時丞左馮

翊姓如諱武尉京兆周陵詳集共造戶曹掾袁騰令

史許松

相君有三嗣長子即封食邑固始少子在江陵中子

居三缺靈缺業績林二宗則其苗胄也相君卒後

十有餘世有渤海大守字武伯武伯有二子長子字  
 伯尉少子字仲尉仕郡為掾史伯尉有一子字世伯  
 舉江夏孝廉城門候仲尉有二子長子字孝伯荊州  
 從事弟世信仕字缺二掾功曹會平哀之間宗黨為賊  
 寇所蔽世伯孝伯世信各遺一子財八九歲微弱  
 不能仕學世伯子字子仲治產於績壺有六男一女  
 大子字長都次子蘭卿次第字仲陽次第字琳通次  
 弟字衛公次弟字劉卿此績宗六父也孝伯子字文  
 亦不仕學治產於材壺亦有六男一女大子字惠

明次第字次卿次第字聖公次第字稚卿次第字產  
 卿次第字少都此材宗六父也世信一子相承季陵  
 文卿孝公比缺壺一父別其高祖與材高祖父親兄  
 弟孫氏宗族別缺謹紀也  
 右孫琳教碑陰此陰与前碑皆延熹三年五月所  
 作前云臨縣一載此云視事一紀盖以一紀為一  
 年爾段光宦君子之鄉懷良輔之美訪問耆舊博  
 求遺苗卜擇今日興廟植碑招集諸孫倡樂高會  
 又以其雲來長幼之序仕學生產之實刻于碑之

陰雖自譜其家者亦不如是之詳也

績即繚字敝即殺字証即

字譜

仙人唐公房碑

君字公所成固人蓋帝堯之

字缺十

之故能舉家

字缺五

去上陟皇耀統御陰陽騰清躡浮命壽無疆雖王公

之尊四海之富曾

字缺五

毛天地之性斯其至貴者也

耆耋相傳以為王莢居攝二季君為郡吏

字缺四

土域

啖瓜旁有真人左右莫察而君獨進美瓜又從而敬

禮之真人者遂與

缺

期聲谷口山上乃與君神藥曰

服藥以後當移意萬里知鳥獸言語是時府在西成

去家七百餘里休謁往來轉景即至闔郡驚焉白之

府君從為御史置輶車被具君乃畫地為獄召冒

誅之視其腹中果有被具府君

缺

賓燕欲從學道公

所頃無所進府君怒勅尉部吏收公所妻子公所乃

先歸於谷口呼其師告以危急其師與之歸以藥飲

公所妻子曰可去矣妻子孿家不忍去又曰豈欲得

家俱去乎妻子曰固所願也於是乃以藥塗屋柱飲

牛馬六畜須臾有大風玄雲來迎公所妻子屋宅六

畜脩然與之俱去昔高松崔白皆一身得道而公所  
舉家俱濟盛矣傳曰賢者所存澤流百世故使聾鄉  
春夏毋蚊蚋秋冬鮮繁霜癘蟲不遐去其螟蟻百穀  
收入天下莫知斯德祐之效也道牟羣仙德潤故鄉  
知德者鮮歷世莫紀

漢中大守南陽郭君諱芝字公載脩北辰之政馳周  
邵之風歆樂唐君神靈之美以為道重者名邵德厚  
者廟尊乃發嘉教躬損奉錢倡率羣義繕廣斯廟  
和祈福布之地民刻石昭音揚君靈譽其辭曰

上缺遂享神樂超浮雲兮翺

下缺

### 碑陰

故沅陽守長成固楊晏字平仲東部督却成固左介  
字元術故沅陽守長南鄭楊銀字伯慎處本南鄭祝  
龜字元靈司徒掾南鄭祝楊字孔達處本南鄭祝岱  
字子華故益州從事南鄭祝忱字子文處本南鄭祝  
恒字仲華處本南鄭祝朗字德靈處本南鄭祝崇字  
季華大守史南鄭祝榮字文華大守史南鄭趙英字  
彦才處本南鄭劉通字海缺故襄中守尉南鄭趙忠

字元楚

字缺二

南鄭楊鳳字孔鸞

右仙人唐君碑篆額漢中太守郭芝立今在興元  
 唐君字公房王莽時人也博物志云城固縣壻鄉  
 有唐公昉得道雞犬皆升仙惟以鼠有惡不得去  
 鼠自悔每月一吐其腸胃更生謂之唐鼠搃仙錄  
 所引博物志又云鼠至空中自墮腸出一月三易  
 故山中有拖腸鼠水經云智水川有唐公房祠公  
 房入雲臺山合丹服之白日升天雞鳴天上狗吠  
 雲中以鼠惡留之鼠乃感激以月晦日吐腸胃更

生公房升仙之日壻行未還不獲同階雲路約以  
 此川為居言无繁霜蛟虎之患其俗因号為壻鄉  
 二說唯鼠事小異神仙錄則云神仙李八百為公  
 房家傭偽作惡瘡使公房夫婦及三婢舐之又索  
 美酒三十斛浣瘡因以餘酒浴公房夫婦顏色更  
 少授以丹經一卷公房入雲臺山作藥藥成服之  
 仙去其說俱異唯鍊丹雲臺与水經同爾後漢志  
 云襄中有唐公防祠盖隸法房字其户在側故人  
 多不曉或作防或作昉皆誤也

美即莽字聲即壻  
 字胃即鼠字孿即

戀字

張公神碑

惟和平元年正月字缺二朝歌長鄭栢造缺張公建缺

良缺之山運置蔡陽刊齒涿摩立左右闕表神道缺

豎碑廟堂之前到五月字缺二乃成長字缺二之銘勒神

懿光祕後昆其辭曰

於穆張公舍和泰清受符皇極乾剛川靈何天之休

元亨利貞無字缺二貴神耀洞字缺二度缺泉殿商北垆

鬱朝蔡陽厥土啟平芝草茂木瀟瀟滋榮羣萌勲矣

激川通字缺三懷字缺八廟克儉損盈詔命有司祭以中

牲歲聿再慶公其饗零興來億載歷數萬君字缺七太

顯猶昭拂英勲字缺二錫介福惠此吏民國無灾寢

屢獲豐年

皇帝眉壽千祿于天牧守皆升握台輔辰長與丞尉

超遷相回休字缺三烈烈無字缺三醴犁陽營謁者李君

畏敬公靈好鄭長文澈奉佐工悃愍勤字缺三吏字缺三

熹且惶作歌九章達李君字缺頌公德芳其辭曰 蔡

水湯湯揚清波東疏字缺折字缺于河字缺五朝歌縣以絜

靜無穢瑕公缺守相駕蜚魚往來悠忽遂熹娛祐此

北民寧厥居出自綦字缺四松栢鬱茂蘭公字缺二神

往來乘浮雲種德收福惠斯民家饒戶富無缺貧豐

界寡靜和睦缺朝歌蕩暎及犁陽三女所處各殊

方三門鼎列推其鄉時攜甥翁歸候公夫人字缺三容

字缺五饗缺觴穆風屑兮起壇旁樂吏民兮永未央

庶嘯嘯兮字缺二庭文樂樂兮字缺三飲清泉兮字缺三見

缺伏兮不駭驚惟公德兮之所寧上陵廟兮助三牲

天時和兮甘露冷日晡字缺二兮無虧傾字缺二蜚虫兮朱

鳥棲字缺二榮兮鳴啾啾戴鵠勦兮乳徘徊給御卵兮

戲于西惟公德兮之所懷池水字缺兮釣臺祭四角

樓兮臨深澗魚岌岌兮踊躍見振鱗尾兮游盱盱時

釣取兮給烹敲惟公德兮之所衍栗蕭兮字缺藥鋪

踈新美萌兮香苾芬蕙草生兮滿園田競苔茗兮給

萬錢惟公德兮之所缺門堂鬱兮文耀光公神赫

兮坐東方明暴視兮儼印印夫人字缺女兮列在旁踈

君處北兮送官字缺車騎駱驛兮交錯重乘輶軺兮駕

蜚龍驂白鹿兮送仙僮游北巒兮與天通玄碑既



立雙闕建号

字缺四

大路畔号亭長閣

字缺二

扞難号列

種槐梓方茂爛号天下遠近

缺

不見号公神日著聲

洞漏号

字缺二

乾川傳億萬号

臨犂陽營謁者豫章南昌李朝伯丞左馮翊夏陽趙

寵德雅朝歌長穎川陽城鄭栢伯林左尉京北

下缺

水

字缺二

陽里郭虞子

下缺

扶風安陵

字缺二

昭公虞士

魏

字缺

封

字缺

仲舉虞士魏郡犂陽

字缺四

右張公神碑隸額在黎陽威宗和平元年立碑云

朝歌長鄭栢為張公建闕作碑銘勒神懿監黎陽

營謁者李君好鄭之文既徹俸佐工又作歌九章

刺之石斂剝不明僅能辨其梗槩其辭依放離騷

頗亦適雅可觀詩中再稱其夫人又云朝歌蕩陰

及黎陽三女所處各殊方三門鼎列推其鄉時攜

甥幼婦候公不知張公是何神也漢志注云世祖

以幽并州兵騎定天下故於黎陽立營以謁者監

之

碑以纂為淇涿摩為琢磨勒為巢僅為僮漏為編盈即盈字慶即薦字宥即宗字从水之字皆

作篆文

三公山碑

封龍君 靈山君

上缺分氣建立乾川乾為物父川為物母運生六子

二字缺為缺 且土為山字缺 風雨天有九部地有八極

天地通缺 神明別序州有九山字缺 成土北缺 之山

缺 升缺 阻上為祈首舍缺 陰寶南彌三公厥體嵩厚

峻極于天鼎足帝缺 二郤宗祀缺 奉字缺 三 公嘉佑缺

為形地觸石缺 雲不崇而雨陰缺 氛廓莫不字缺 二 德

配五岳王公所緒四時珪璧月醮酒脯缺 公降靈六缺

字 得志列缺 羣后或在王庭輔翼聖主颺雨時降和

其寒暑年豐歲稔介我稷黍倉府既盈以穀士女二缺

字 得進陳其鼎俎黃龍白虬伏在山所禽字缺 二 億

兩為耦草木暢茂巨佻不斲下民知禁順時而取皆

受德化非性能者顛明公垂恩罔極保我國君羣黎

百姓缺 受元恩光和四率歲在辛酉四月缺 亥朔二

日甲子元氏左尉上郡白土樊瑋字子義瑋缺 要二缺

字 陵側陋出逆幽谷遷于喬木得在中州尸素食祿

缺 以弱缺 歸于缺 族缺 明缺 謹缺 以缺 足觀聽字缺 二

道無拾遺消杆缺 難路無怨讟得應廉選貢名王室

隸釋

卷之三

三

靈祇福祉施出缺册於是感恩缺二立銘勒石乃位

頌曰

儼儼明公民所瞻兮凶缺窈窕石巖巖兮高倉缺二

候羣神兮興雲致雨除民患兮長吏肅菴缺二心兮

四時奉祀柔稷缺兮缺用缺五兮百姓家給國富殷

兮仁愛下下民附親兮遐邇攜負來若雲兮或有薪

采投輻檀兮或有缺鬼阻出缺兮或有缺四耘兮或

有隱遁辟語言兮或有恬淡養皓然兮或有呼吸求

長存兮改行喙息皆缺恩兮缺佑樊璋出谷遷子封

侯食色傳子孫兮刻石紀德示後昆兮永永不缺億

載年兮

舉將南陽冠軍君姓馮諱巡字季祖缺脩六經之要

析缺二出歷受命北征為民父母攘去寇缺用无

缺越竟民移俗改巷肅神祇敬而不怠皇靈缺

佑風雨時節農缺執耜或耘或芋童妾壺饁敬而賓

之稼穡穰穰穀至缺錢對粟如火咸裒仁心君安前

詰喬札季文薦缺稂秀不為苛煩愍俗陵遲缺二咨

缺山無隱士藪無逸民裒道以德慕此缺二百姓歐

卷第三 十七

歌得我惠君功參周邵受祿于天長履景福子子孫

孫 長史甘陵甘陵夏方字伯陽令京北新豐王翊字

元輔丞河字缺二武李缺字公興 石陟劉元存

右三公之碑隸額兩旁又有封龍君靈山君六隸

字頗大郡國志常山國元氏注云有石塞三公塞

所謂三公塞即此山也石塞即白石山也白石碑

云縣界有六名山三公封龍靈山先得法食无極

山碑載光和詔書出元氏縣錢給三公山四時祠

具又云三公山与龍靈山无極山共興雲雨盖封

龍与靈山是兩山之名揭其神於額之旁者即是

配食三公之祠故碑中有鼎足之文也頌云儼儼

明公民所瞻兮碑云願明公垂恩罔極保我國君

盖以明公稱山之神而謂國相為國君也此碑光

和四年左尉樊子義立頌末有樊君徼福之句而

讚美舉將馮巡幾二百言馮君乃常山相也頌者

先公太師以使事為北方所留紹興癸亥年政地

王次翁使至燕 先公鬲垣墻与驛中人語為覘

者所得賴副留守高吉祥之力脫縲紲而歸予之

出疆也高之子嗣先相廷勞以先世之故並轡殊

從容嘗諉其訪尋中原古剎云北人所不好市无  
粥碑者及道過真定顧瞻名山三嘆而已碑以仍為黎叔為菽秀為莠遲為遲歐為謳鼎即鼎字乘即黍字死即凶字芋即籽字壺即壺字襄即懷字

無極山碑  
光和四年缺月辛卯朔廿二日壬子大常臣既承敕  
頓首上

尚書謹案文書男子常山蓋高上黨范遷詣缺三為

元氏三公神字缺一本初元年二月癸酉光和二

年二月戊子詔書出其縣錢給四省祠具去年五月常山

相巡遣吏王勳三缺弘衰詣三公山請雨山神即使

高傳言令勳衰歸缺雨可得三公山即與龍靈山無

極山共興雲交兩國相巡元氏令王翊各白茅塞神

山復使高與遷及縣吏和卞令俱詣大常為無極山

神索灑食比三公山臣疑高遷言不實輒移本國缺

霰今常山相書言部督郵書掾成熹夢訊實問熹縣

令翊各言無極山與元隆俱生加上至禮可三里所

立石為體二丈五尺所政南缺上封青下黃白色前

政平可布兩大席山周而廿餘在西南世里縣界有

名山其三公封龍靈山皆得法食每長吏祈福吏民

禱告如言有驗乞合無極山比三公封龍靈山祠缺

七牲出用王家錢小費蒙大福尊神呂珪璧為信臣

愚臣為如巡言為民來福呂祠祀為本請少府給珪

璧本市祠具如癸酉戊子詔書故事報臣耽愚顛頓

首頓首上

尚書

制曰可

大尚承書册事

上缺月十七日丁丑尚書令忠奏雒陽宮

光和四年八月辛酉朔十七日丁丑尚書令忠下

光和四年八月辛酉朔十七日丁丑大常耽承敏下

常山相缺册事下承缺用者如詔書書到言

昔在禮蕪國有名山能昇材用興雲出雨為民來福

除典則祀元氏縣有先昔三公封龍靈山已得法食

而獨未光和四年二月所子大男盖高上黨范遷奏

記大常大常下郡國相南陽馮府君咨之前志缺問  
 耆僂僂呂為寔神且明每國縣水旱及民疾病禱祈  
 輒應昔有報又有終南之敦物与岱崇之枯及楊蔬  
 之棧缺條蕩焉村用於是乎出官民於是乎給左禮  
 秩祀有功必報今昔無極山應灋食誠其宜且於是  
 言大常奏可其年八月丁丑詔書聽其九月更造神  
 廟恢拓祠宮置吏犧牲册制月醮昔祠禮与三山同  
 乃立碑銘德頌山之神焉其辭曰

巖巖無極厥體巍巍缺萬常燿缺二梯浚谷千刃

窈窕凸隈楸林蕊毒倉氣蔚伊缺砥礪礙隗缺階灌

遙望儼然即就有威觸石膚寸興雲祁祁雨我公田

遂及我私百穀用成家有其資禱禳請祈應速不遲

鳥獸艸木蕃茂隆缺四猥神為之哀歎案礼與咨古

遺則功加于民官報其德今備七牲珪璧法食改館

興廟恢拓宇室增益更設恭君下職月醮昔祀肅桓

齊壺缺必博碩酒必嘉粟棗盛馨香如禮不失顛君

歆享降福孔缺官民禱祈僉缺密勿有呂禳解報應

可必缺二灋食將祐我君我君高缺衆多子孫君其

遺慶副稱頌云

常山相南陽嗣軍馮巡字季祖長史潁川缺申屠缺

字缺二元氏令京兆新豐王翊字元輔丞河內缺五

左尉上郡白土缺二字缺祠祀掾缺賢廉香缺掾

和缺五祠仁德掾樊淋史吳宜小吏吳黑

光和四年十月十三日缺石階缺造

右無極山碑篆額在真定此山与三公山封龍山

靈山白石山皆在元氏男子盖高范遷援三公龍

靈有請於太常乞官給珪璧四時祠具詔從之吏

民更造廟宇而立此碑靈帝光和四年也蔡質漢

官典儀曰司隸城門校尉上尚書言頓首上下言

誠皇恐頓首上謂者上尚書頓首死罪上下言誠

皇恐頓首死罪上今所有者史晨樊毅兩碑皆用

謂者式与蔡說合惟此碑其后但再稱頓首又太

常稱臣而丞不稱莫詳其制碑云有終南之敦物

岱宗之松楊越之篠蕩盖以敦物為終南所產与

松篠同科今經史多作惇物注云山之名也顏之

推謂詩之有滄萋萋興雲祁祁當是興雨趙氏据



此碑云漢以前本皆作興雲因顏氏改之予按左  
雄傳已作興雨祁祁則漢代言詩者自不同由唐  
以來定本始以興雨為正非因顏氏也

碑以塞為  
賽央為殃

條為篠刃為仞菑茂為蕃茂灑即法字霰即霰字  
元陞即天地字加即從字慙即慙字拓即拓字棧  
即杵字便即叟字左  
傳趙使傳使是也

### 白石神君碑

蓋聞經國序民莫急於禮禮有五經莫重於祭祭有  
二義或祈或款款以章德祈以弭害古先哲王類帝  
禋宗望于山川徧于羣神建立地域脩設壇屏所以

昭孝息民輯寧上下也白石神君居九山之數叅二  
條之壹兼將軍之號秉斧鉞之威體連封龍氣通北  
嶽幽讚天地長育萬物觸石而出膚寸而合不終朝  
日而澍雨沾洽前後國縣屢有祈請指日剋期應時  
有驗猶自抱損不求禮秩縣界有六名山三公封龍  
靈山先得法食去光和四年三公守民蓋高等始為  
無極山詣大常求法食相縣以白石神君道德灼然  
乃具載本末上尚書求依無極為比即見聽許於是  
遂開拓舊地改立殿堂營宇既定禮秩有常縣出經

用備其犧牲奉其珪璧絜其粢盛旨酒欣欣燔炙芬  
芬敬恭明祀降福孔殷故天無伏陰地無鱷陽水無  
沉氣火無災燂時無逆數物無害生用能光遠宣朗  
顯融昭明年穀歲熟百姓豐盈粟什五錢國界安寧  
余乃陟景山登崢嶸采玄石勒功名其辭曰

巖巖白石峻極大清皓皓素質因體為名惟山降神  
旣士挺生濟濟俊乂朝野充盈災害不起五穀熟成  
乃依無極聖朝見聽遂興靈宮于山之陽營宇之制  
是度是量卜云其吉終然允臧匪奢匪儉率由舊章

華殿清閑肅雍顯相玄圖靈像穆穆皇皇四時禋祀  
不愆不忘擇其令辰進其馨香犧牲玉帛黍稷稻粱  
神降嘉祉萬壽無疆子子孫孫永永蕃昌

光和六年常山相南陽馮巡字季祖長史潁川申屠

熊字缺三元氏令京兆新豐王翊字元輔丞河南李邵

左尉上郡白土樊璋祠祀掾吳宜史解徽石師王明  
右白石神君碑篆額在真定靈帝光和六年立前  
二年蓋高等援三公封龍靈山請于朝為无極山  
得法食至是常山相馮巡元氏令王翊復具白石

本末求依無極為比朝廷聽許遂開拓殿宇琢石  
勒碑其文有云居九山之數參三條之一趙氏莫  
曉三條為何語按尚書正義曰從導岍至敷淺原  
舊說以為三條地里志云禹貢北條之荆山則在  
馮翊懷德縣南條之荆山則在南郡臨沮縣是舊  
有三條之說也故馬融王肅皆以導岍為北條西  
傾為中條岍冢為南條自岷山之南至敷淺原別  
以岷山為首不與大別相接則岷非三條也殷阮  
碑云中條之山者蓋華嶽之體南通商雒以屬熊

耳其文與正義合漢人分隸固有不工者或拙或  
怪皆有古意此碑雖布置整齊略無纖毫漢字氣  
骨全與魏晉間碑相若雖有光和紀年或后人用  
舊文再刻者爾

碑以番昌為蕃  
昌拓即拓字



